

# Jámadeaddji luhtte

Rohkosbottu jođiha báhppa, searvegotti eará bargi dahje searvegotti lahttu.

Vilges liinniin gokčojuvvon beavddi ala sáhhtá bidjat Biibbala ja ruossa dahje krusifivssa sihke cahkkehit gintala.

Dán materiála sáhhtá atnit heivvolaš osiid.

## 1. Sálbma

---

Sáhhtá geavahit ovdamearka dihte sálmma 211, 212, 433 dahje 473.

## 2. Álggahus

---

### Álgosivdnideapme

Buessivdnádusa lea vejolaš lohkat dahje lávlut.

**B/O** Áhči ja + Bártni ja Bassi Vuoigŋa nammi.

**S** Ámen.

**B/O** Hearrá lehkos dinguin.

**S** Nu son lehkos maddái du vuoigŋain.

### Álggahansánit

Álggahansániid lea maddái vejolaš ráhkadit ieš.

**B/O** Ráhkis ustibat. Jesusa maŋimus sánit ruossa alde leat dievva luoh-támuša. Son cealká: "Áhččán, du giedaide mun bijan vuoigŋan!" (Luk 23: 46) Kristusa árbmui dorvvastemiin miige báhcit almmálaš Áhči oskálí.

### 3. Biibbalsálbma

---

Sáhttá atnit maddái girkojagi čuovvu dahje eará biibbalsálmmaid.

Biibbalsálmma sajis lea vejolaš lávlut sálmma.

Biibbalsálmma sáhttá lohkat dahje lávlut. Biibbalsálbmii laktojuvvo Uhca gudni. Uhca gudni guđđojuvvo eret 5. fástoáiggi sotnabeaivvi rájes.

Várjal mu, Ipmil,

dasgo mun dorvvastan dutnje.

Mun ožžon iežan oasi čáppa eatnamis,  
duodaid, hearvás árbbi lean ožžon.

Mun máinnun Hearrá guhte rávve mu,  
velá ihkkuge gulan su rávvagiid váimmustan.

Álo mun anán Hearrá muittus,  
go son lea mu olgeš bealde,  
de mun in goassege suoibbo.

Danne mu váibmu illuda ja mu siellu ávvuda;  
velá mu rumašge lea oadjebas.

Don it guođe mu sielu jábmiid áibmui,  
don it divtte oskkáldas bálvaleaddját oaidnit iežas hávddi.

Don válddahalat munnje eallima geainnu,  
du muoduid ovddas lea ilu dievasvuohta,  
agálaš ávvu du olgeš gieda bealde.

Sál 16: 1, 6–11

#### **DAHJE**

Hearrá, dutnje mun dorvvastan,  
ale divtte mu goassege heahppášuvvat.

Don leat vanhurskkis, beastte mu.  
Jorggit deikebeljiid ja gula mu,  
doama gádjut mu.

Leage mu bákti gos gávnnan suoji,  
mu bestojumi ladni.

Don leat mu bákti ja ladni,  
namat dihtii don doalvvut ja láidet mu.

Du gihtii mun bijan vuoigŋan,  
Hearrá, oskkáldas Ipmil, don lonistat mu.

Sál 31: 2–4, 6

### **DAHJE**

Leage munnje árbmugas, Ipmil, oskkáldasvuodastat,  
sihko eret mu rihkkumiid stuorra árbmugasvuodastat.

Basa mu sivaheapmin,  
buhkis mu mu suddus.

Dasgo rihkkumiiddán mun dovddan,  
mu suddu lea álelassii mu ovddas.

Ipmil, sivdnit munnje buhtes váimmu,  
atte munnje odđa ja bissovaš vuoigŋa.

Ale suhppe mu eret muoduidat ovddas,  
ale váldde mus eret bassi vuoigŋat.

Atte munnje fasttain du bestojumi ávu,  
atte munnje miedamánas vuoigŋa vai mun bisun.

Sál 51: 3–5, 12–14

### **DAHJE**

Mu siellu, máinno Hearrá,  
buot mii lea mu siste,  
máinno su bassi nama!

Mu siellu, máinno Hearrá,  
ale vajáldahte su buorredaguid!

Son addá ándagassii buot du sudduid  
ja dálkkasta buot du vigiid.

Son lonista du heakka hávddis  
ja kruvnnida du árbmugasvuodain ja váibmoládisvuodain.

Sál 103: 1–4

## **Uhca gudni**

Gudni Áhččái ja Bárdnái  
ja Bassi Vuigŋii,

nugo lei álggus, dál lea ja álo  
agálašvuodas agálašvuhtii. Ámen.

## 4. Biibbalohkan

---

Lohkkojuvvo okta dahje moadde čuovvovaš čálabihtáin.  
Sáhttá atnit maid girkojagi čuovvu dahje eará čálabihtáid.  
Biibbalohkama manjá sáhttá leat jaskes mediteren.

Rom 8: 18, 24–27

Mun diedán ahte dat maid mii dáppe šaddat gillát, ii leat mihkkege dan  
hearvásvuoda ektui mii oktii almmustuvvá midjiide.

Dán doaivaga mielde mii leat bestojuvvon. Muhto doaivva man oaidná  
juo ollašuvvan, ii leat šat doaivva. Mo sáhttá oktage doaivut dan man  
oaidná? Juos mii doaivut dan man eat oainne, de mii vuordit dan  
gierdavaččat.

Seammá láhkái Vuoignage veahkeha min min headjuvuodas. Dasgo  
mii eat diede mo galggašeimmet rohkadallat, muhto Vuoigná ieš  
rohkadallá min ovddas cealkemeahttun šuohkáhusaiguin. Ja Ipmil  
guhte suokkarda váimmuid, diehtá maid Vuoigná hálida, dasgo  
Vuoigná rohkadallá bassi olbmuid ovddas Ipmila dáhtu mielde.

Rom 8: 38–39

Mun lean vissis das ahte ii jápmin iige callin, eai engelat eaige eará  
oaivámuččat, eai dat mat leat dál eaige dat mat bohtet, dahje miige  
fámuid, eai dat mat leat badjin eaige dat mat leat čiekŋalallas, sáhte  
earuhit min Ipmila ráhkisvuodas Kristusis Jesusis, Hearrásteamet.

2 Kor 4: 18–5: 5

Ii mis leat čalmmiid ovddas dat mii lea oinnolaš, muhto dat mii lea  
oaidnemeahttun. Dasgo dat mii lea oinnolaš, bistá muhtun áiggi, muhto  
dat mii lea oaidnemeahttun, bistá agálaččat.

Miihan diehtit ahte juos min eatnanlaš viessu, min goahti, gaikkoduvvoge, de mis lea almmis viessu mii bohtá Ipmilis, agálaš viessu, mii ii leat huksejuvvon giedaiguin. Dáppe ealedettiineamet mii šuohkkit ja áibbašit gárvvohuvvot almmálaš viesuineamet. Dasgo go mii leat gárvvohuvvon dainna, de eat leat šat álás. Nu guhká go mii ássat dan goadis, mii šuohkkit váivvisteamet. Eat mii dáhto nuolahuvvot, muhto baicca gárvvohuvvot vai eallin njielašii dan mii lea jámolaš. Aiddo dán várás Ipmil lea gárvvistan min ja dáhkádussan son lea addán midjiide Vuoiŋŋa.

Máná ovddas rohkadaladettiin.

Mark 10: 13–16

Sii gudde uhca mánážiid Jesusa lusa vai son guoskkahivččii daid, muhto máhttájeaddjit šiggo sin. Go Jesus oinnii dan, de moaráhuvai ja celkkii sidjiide: ”Diktet uhca mánážiid bohtit mu lusa, alletge hehte sin! Dasgo Ipmila riika gullá dakkáraččaide. Duodaid, mun cealkán didjiide: Dat guhte ii vuostáiváldde Ipmila riikka nugo uhca mánáš, ii eisege beasa dan sisa.” Ja son válddii sin sallasis, bijai giedaidis sin ala ja buressivdnidii sin.

Joh 11: 25–26

Jesus cealká:

”Mun lean bajásčuožžileapmi ja eallin; dat guhte osku munnje, oažžu callit vaikko vel jápmáge. Ii oktage guhte callá ja osku munnje, jáme agálašvuodasge.”

Joh 14: 1–3

Jesus cealká:

”Alloset din váimmut suorganehko. Oskot Ipmilii ja oskot munnje! Mu Áhččán viesus leat ollu lanjat. Juos nu ii livčče, de mun cealkkášin didjiide dan. Dasgo mun manan gárvvistit didjiide saji. Ja go mun lean mannan ja lean gárvvistan didjiide saji, de boadán fas ja válddán din lusan, vai dii livččiidet doppe gos mun lean.”

## 5. Vástáduš

---

Sáhtá geavahit ovdamearkka dihte sálmma 430 dahje 471.

## 6. Rohkosoassi

---

Rohkosoasi sáhtá álggahit rihašemiin.

### Árpmu nanusmahttin

Doaimmaha ollašuhtti bidjá gieđas jámadeaddji oaivvi ala ja cealká:

Don leat bassi gásttas váldojuvvon Ipmila agálaš árbmolihttui. Beastámet Jesus Kristus lea lohpidan orrut duinna juohke beaivve, dál ja eallimat loahpa rádjai.

Jesus cealká:

“Ustiban, leage dorvvolaš mielain,  
du suttut leat dutnje ándagassii addojuvvon.”

### **DAHJE**

Ná cealká Hearrá:

”Várit gáidoset  
ja duoddarat doarggistehekset,  
muhto mu ráhkisvuohta dutnje ii rievdda  
iige mu ráfilihttu suoibbo.”

Go du vuolgga bohtá, don oaččut addit eallimat oadjebasat Lonisteaddját oskálíi. Guddoset bassi engelat du ávdugasaid searvái. Lehtkos oassinat agálaš ráfi ja čuovga.

Doaimmaha ollašuhtti váldá gieđas eret jámadeaddji oaivvi alde ja joatká:

Ipmil veahkehehtkos maiddái din, oapmahaččat ja ustibat, dorvvastit Jesusii Kristusii. Son addos didjiide návccaid: "Ipmila ráfi, mii manná buot jierpmi badjel, várjala din váimmuid ja jurdagiid Kristusis Jesusis."

## Rohkos

Sáhtta atnit maiddái iešráhkaduvvon rohkosa.

**B/O** Rohkadallot.

Herrá Ipmil, almmálaš Áhčči. Du árbmu ja ráhkisvuohta lea stuoris. Váldde vuostái bálvaleddját NN. Oro su dorvun jápminbottu ja láide su agálaš eallimii. Dán mii rohkadallat Bártnát Jesusa Kristusa bokte.

**S** Ámen.

## Áhččámet

Herrá rohkos celkojuvvo ovttá jitnii.

**S** Áhččámet, don guhte leat almmis.

Basuhuvvos du namma.

Bohtos du riika.

Šaddos du dáhttu,

mo almmis nu maiddái eatnama alde.

Atte midjiide odne min beaivválaš láibbi.

Ja atte midjiide min sudduid ándagassii,

nugo miige ándagassii addit velggolaččaidasamet.

Alege doalvvo min geahččalussii,

muhto beastte min bahás eret.

Dasgo du lea riika ja fápmu ja gudni agálašvuhtii.

Ámen.

## 7. Buressivdnáduš

---

**B/O** Buressivdnidehkos min buotveagalaš ja árbmugas Ipmil,

Áhčči ja (+) Bárdni ja Bassi Vuoigŋa.

**S** Ámen.

### DAHJE

**B/O** Herrá buressivdnidivččii din ja várjalivččii din.

Herrá čuvgešii muođuidis didjiide

ja livččii didjiide árbmugas.

Herrá jorgalivččii muoduidis din beallái

ja attášii didjiide ráfi.

Áhči ja + Bártni ja Bassi Vuoiŋŋa nammii.

**S** Ámen.

## 8. Loahpahanmusihkka

---

Sáhhtá atnit ovdamearkka dihte sálmma 360, 474, 475 dahje 491. Sálmma sajis sáhhtá leat vuoiŋŋalaš lávlla.